



Funded by  
UK Government



# Sir Ddinbych Ffyniannus Cronfa Cydweithrediad Busnesau Sir Ddinbych

Cyllidir y prosiect hwn gan Lywodraeth y Deyrnas Unedig  
drwy Gronfa Ffyniant Gyffredin y Deyrnas Unedig

## Nodiadau Canllaw Cronfa Cydweithrediad Busnesau Sir Ddinbych Ffyniannus

### 1. Cronfa Ffyniant Gyffredin y Deyrnas Unedig

Mae Cronfa Ffyniant Gyffredin y Deyrnas Unedig yn rhan ganolog o agenda Ffyniant Bro Llywodraeth y Deyrnas Unedig a bydd yn darparu £2.6 biliwn o gyllid i'w fuddsoddi'n lleol erbyn mis Mawrth 2025.

*Prif nod Cronfa Ffyniant Gyffredin y Deyrnas Unedig yw cynyddu balchder mewn lleoedd a chynyddu cyfleoedd bywyd ar draws y Deyrnas Unedig.*

*Islaw'r prif nod o gynyddu balchder mewn lleoedd a chynyddu cyfleoedd bywyd mae gan y Gronfa dair blaenoriaeth buddsoddi:*

1. Cymunedau a lle;
2. Cefnogi busnesau lleol; a
3. Pobl a sgiliau.

Os hoffech chi gael rhagor o wybodaeth, ewch i

<https://www.gov.uk/government/publications/uk-shared-prosperity-fund-prospectus>

### 2. Cefnogi Busnesau Lleol

Bydd cronfa Cydweithrediad Busnesau Sir Ddinbych Ffyniannus yn hyrwyddo ac yn cefnogi rhwydweithio a chydweithredu, trwy ymyriadau sy'n dod â busnesau a phartneriaid mewn sector penodol ac ar draws sectorau ynghyd i rannu gwybodaeth, arbenigedd ac adnoddau ac ysgogi arloesi a thwf. Bydd yn canolbwyntio ar:

- Arloesi
- Entrepreneuriaeth
- Twf busnes
- Dyheadau sero net



Funded by  
UK Government



Bydd y gronfa yn cefnogi grwpiau megis grwpiau busnes, siambrau masnach a chlystyrau busnesau i wireddu prosiectau ymarferol sydd o fudd iddynt ar y cyd; a sefydliadau sy'n gweithredu yn y sir sy'n awyddus i gyflawni prosiectau wedi'u targedu at fentrau bach a micro, yn cynnwys mentrau cymdeithasol.

Bydd y gronfa yn canolbwyntio ar roi hwb i fusnesau bach a micro, sy'n cael eu diffinio gan Lywodraeth y Deyrnas Unedig fel busnes sy'n meddu ar unrhyw ddau o'r nodweddion isod:

- Trosiant o £10.2 miliwn neu lai
- £5.1 miliwn neu lai ar y fantolen
- 50 neu lai o gyflogeion.

Ni fydd y gronfa hon yn cefnogi rhoi cyllid yn uniongyrchol i fusnesau unigol. Edrychwch ar gronfa Sir Ddinbych Ffyniannus am gymorth o'r fath [YMA](#).

### 3. Pa brosiectau y gellir eu cefnogi?

Bydd angen i brosiectau a gefnogir hyrwyddo rhwydweithio a chydweithredu, trwy ymyriadau sy'n dod â busnesau a phartneriaid mewn sector penodol ac ar draws sectorau ynghyd i rannu gwybodaeth, arbenigedd ac adnoddau, ac ysgogi arloesi a thwf. Bydd angen i'r prosiect ganolbwyntio ar un neu ragor o'r canlynol: Arloesi; Entrepreneuriaeth; Twf Busnes neu Ddyheadau sero net. Bydd angen i brosiectau gadw at egwyddorion a chanllawiau sy'n cwmpasu Cydraddoldeb, Sero Net a'r Gymraeg fel y nodir yn Atodiad 1 ynghyd â gofynion cyhoeddusrwydd y gronfa a amlinellir yn Atodiad 2. Gall prosiectau dderbyn hyd at 100% o gyllid grant a chynigir cefnogaeth ar gyfer costau refeniw megis:

- Ymgynghoreiaeth
- Hyfforddiant
- Costau rhwydweithio a gweithdy busnes
- Prosiectau peilot
- Costau cydlynnydd
- Ffioedd proffesiynol
- Costau astudiaeth ddichonoldeb

Rhestrir y costau nad ydynt yn gymwys yn Atodiad 3. Bydd yr holl gostau a gefnogir gan y Gronfa Ffyniant Gyffredin yn ddarostyngedig i ofynion caffael y Gronfa Ffyniant Gyffredin fel y nodir yn Atodiad 4.

Bydd angen i brosiectau a gefnogir gan y gronfa gyflawni yn erbyn ymyriadau, allbynnau a deilliannau y Gronfa Ffyniant Gyffredin (cewch ragor o fanylion am ymyriadau Cronfa Ffyniant Gyffredin yma <http://cadwynclwyd.co.uk/funding-areas/prosperous-denbighshire/?lang=cy>).



**Ymyriadau ac Allbynnau:**

<b>Ymyriad Cronfa Ffyniant Gyffredin</b>	<b>Allbwn</b>
W23 Cryfhau ecosystemau entrepreneuriaidd lleol	Swyddi a grewyd o ganlyniad i'r gefnogaeth
W24 Canolfannau hyfforddiant, cynigion cefnogaeth busnes, unedau deori	Swyddi a ddiogelwyd o ganlyniad i'r gefnogaeth
W23 Cryfhau ecosystemau entrepreneuriaidd lleol	Swyddi a ddiogelwyd o ganlyniad i'r gefnogaeth
W23 Cryfhau ecosystemau entrepreneuriaidd lleol	Nifer y mentrau newydd a grewyd i ganlyniad i'r gefnogaeth
W23 Cryfhau ecosystemau entrepreneuriaidd lleol	Nifer y mentrau'n defnyddio cynhyrchion neu wasanaethau newydd neu wedi'u gwella
W23 Cryfhau ecosystemau entrepreneuriaidd lleol	Nifer y mentrau'n mabwysiadu technolegau neu brosesau newydd i'r busnes
W30 Mesurau cefnogi busnes i yrru twf cyflogaeth	Swyddi a grewyd o ganlyniad i'r gefnogaeth

**Ymyriadau a Deilliannau:**

<b>Ymyriad Cronfa Ffyniant Gyffredin</b>	<b>Deilliant</b>
W23 Cryfhau ecosystemau entrepreneuriaidd lleol	Nifer y mentrau'n defnyddio cynhyrchion neu wasanaethau newydd neu wedi'u gwella
W23 Cryfhau ecosystemau entrepreneuriaidd lleol	Nifer y mentrau'n mabwysiadu technolegau neu brosesau newydd i'r busnes

**4. Pwy sy'n cael cynnig prosiect arfaethedig?**

Caiff y mathau o sefydliadau ac endidau isod gynnig prosiectau arfaethedig cyn belled mai'r buddiolwyr terfynol yw busnesau bach a busnesau micro a / neu fentrau cymdeithasol yn Sir Ddinbych:

- Grwpiau a Fforymau Busnes
- Cymdeithasau Busnes
- Siambrau Masnach
- Ffederasiwn Busnes
- Sefydliadau sector cyhoeddus, yn cynnwys Cyngorau Tref / Cymuned



Funded by  
UK Government



- Mentrau cymdeithasol, yn cynnwys Cwmnïau Budd Cymunedol a chydweithredfeydd

Rhaid i gynigion prosiect arfaethedig ddangos yn glir y gefnogaeth gan y sector busnes e.e. gan grwpiau busnes a / neu randdeiliaid sy'n gweithredu yn y sector.

## 5. Sut i gymryd rhan

Anfonwch eich syniadau prosiect arfaethedig gan ddefnyddio'r Ffurflen Prosiect Arfaethedig sydd ar gael ar wefan Cadwyn Clwyd. Bydd prosiectau cymwys a hyfyw yn cael eu gwahodd i gyflwyno cynnig llawn. Gall prosiectau a gymeradwyir gael eu gweithredu gan Cadwyn Clwyd trwy gomisiynu nwyddau a gwasanaethau ar ran cynigydd y prosiect neu drwy roi grant i gynigydd y prosiect. Bydd cynigion a gyflwynir yn cael eu hasesu ar sail y canlynol:

Bydd Ffurflenni Prosiectau Arfaethedig wedi'u llenwi yn cael eu hystyried ar sail rhaglen dreigl. Byddant yn cael eu hasesu gan y panel prosiectau ar sail y meini prawf isod ac yna bydd prosiectau cymwys a hyfyw yn cael eu gwahodd i gyflwyno cynnig prosiect manwl.

### Cymhwysedd

A yw gweithgaredd y prosiect yn gymwys dan ofynion Cronfa Ffyniant Gyffredin y Deyrnas Unedig a Chronfa Cydweithrediad Busnesau Sir Ddinbych Ffyniannus	Ydi / Nac ydi
A yw'r amserlen yn realistig i gyflawni'r prosiect (h.y. a ellir ei gyflawni a'i gwblhau erbyn 30 Medi 2024)?	Ydi / Nac ydi

Os atebwyd 'Ydi' i'r uchod gall y prosiect fwrw ymlaen i'r cam sgorio.

### Sgorio

Cyfraniad i flaenoriaethau Cronfa Ffyniant Gyffredin y Deyrnas Unedig	Sgôr allan o 10
Cyfraniad busnesau a chefnogaeth i'r prosiect	Sgôr allan o 5
Allbynnau a deilliannau potensial	Sgôr allan o 5
Gwerth am arian	Sgôr allan o 5

Mae angen i gynnig prosiect arfaethedig gael sgôr o 13 neu fwy i ystyried ei gymeradwyo.

## 6. Rheolau Rheoli Cymorthdaliadau'r Deyrnas Unedig

Mae'n rhaid i ymgeiswyr am gyllid Sir Ddinbych Ffyniannus gydymffurfio ag ymrwymadau Rheoli Cymorthdaliadau'r Deyrnas Unedig. Mae'r holl grantiau'n ddarostyngedig i reolau Rheoli Cymorthdaliadau y Deyrnas Unedig. Cewch ragor o



Funded by  
UK Government



wybodaeth yma: [Guidance on the UK's international subsidy control commitments - GOV.UK \(www.gov.uk\)](https://www.gov.uk/guidance/guidance-on-the-uk-s-international-subsidy-control-commitments)

## 7. Datganiad Preifatrwydd Cadwyn Clwyd

Mae Cadwyn Clwyd yn trin preifatrwydd data yn ddifrifol iawn ac mae'n cydymffurfio â phob agwedd o fframwaith deddfwriaethol diogelu data y Deyrnas Unedig, sy'n cynnwys y Rheoliad Cyffredinol ar Ddiogelu Data (GDPR) a deddfwriaeth y Deyrnas Unedig ei hun. Edrychwch ar ein [polisi preifatrwydd](#) sy'n egluro sut rydym ni'n diogelu eich hawliau personol chi.



## Atodiad 1 Cydraddoldeb, Y Gymraeg a Sero Net

Rhaid i'r holl brosiectau a gefnogir gan gyllid Sir Ddinbych Ffyniannus gadw at y polisiau a ganlyn:

### Cydraddoldeb

Bydd Cadwyn Clwyd yn sicrhau defnyddio dull rhagweithiol i uchafu cyfleoedd o ran cyfraniad y prosiect i bob un o'r grwpiau nodweddion gwarchoddedig, fel y nodir yn Neddf Cydraddoldeb 2010. Felly bydd ystyried effeithiau potensial gweithredoedd y prosiect ar grwpiau nodweddion gwarchoddedig yn ystyriaeth allweddol i grwpiau llywio'r prosiect yn ei swyddogaeth yn cymeradwyo ceisiadau.

Dylai ymgeiswyr am grantiau Sir Ddinbych Ffyniannus ystyried, a gweithredu ble bo'n briodol, i deilwra gweithredoedd wedi'u cyllido gan grant i ymateb i anghenion mynediad grwpiau nodweddion gwarchoddedig; datblygu prosesau monitro sy'n cynnwys asesiad cydraddoldeb penodol; ymgysylltu'n weithredol â mudiadau a grwpiau cydraddoldeb sy'n cynrychioli'r rhai â nodweddion gwarchoddedig i sicrhau bod buddion buddsoddiad y prosiect yn cael eu huchafu ar gyfer y grwpiau hynny.

### Y Gymraeg

O ran bodloni y gofynion a nodir yn Nogfen Gyngor Comisiynydd y Gymraeg ynghylch cronfeydd, benthyciadau a nawdd, bydd y prosiect yn ymrwmo i:

- Sicrhau bod yr holl Swyddogion Prosiect yn gyfarwydd â nodiadau canllaw'r Comisiynydd.
- Sicrhau nad yw'r Gymraeg yn cael ei thrin yn llai ffafriol na'r Saesneg ym mhob gweithgarwch a bod y Gymraeg yn cael ei hybu'n rhagweithiol a'i hwyluso yng nghyd-destun holl weithgarwch y prosiect.
- Sicrhau rhoi cyngor rhagweithiol i holl bartneriaid a rhanddeiliaid y prosiect i'w cynorthwyo i ddeall y gofynion o ran defnyddio a hyrwyddo'r Gymraeg yn y prosiect.
- Sicrhau bod yr holl gyfathrebu gyda'r cyhoedd a buddiolwyr y prosiect yn ddwyieithog a bod pawb sy'n cymryd rhan yn y prosiect yn rhydd i gyfathrebu yn un ai'r Gymraeg neu'r Saesneg.
- Ble bo angen rhagor o arweiniad neu gyngor, sicrhau ymgynghori â swyddfa Comisiynydd y Gymraeg.

### Sero Net

Dylai ymgeiswyr i gronfa Sir Ddinbych Ffyniannus ystyried pwyslais Llywodraeth Cymru a Llywodraeth y DU ar gyfrannu at amcanion sero net ac ystyriaethau amgylcheddol ehangach. Bydd ymyriadau wedi'u seilio ar arferion gorau carbon isel neu garbon sero, defnyddio a chefnogi technoleg glân arloesol ble bo'n bosibl a chefnogi'r sgiliau cynyddol a'r cadwynau cyflenwi sy'n cefnogi sero net, ble bo'n bosibl. Dylai'r ymgeisydd fabwysiadu'r egwyddor o dwf glân a fydd yn cyfrannu'n



Funded by  
UK Government



uniongyrchol at ymrwymiad cyfreithiol y DU i leihau allyriadau nwyon tŷ gwydr i sero net erbyn 2050.

Bydd yn ofynnol i'r holl ymgeiswyr ystyried sut y gall eu prosiectau weithio gyda'r amgylchedd naturiol i wireddu amcanion y prosiect a chefnogi twf gwyrdd ac – fel isafswm – ystyried effaith y prosiect ar natur a'n hasedau naturiol.



Funded by  
UK Government



## Atodiad 2 Brandio a Chyhoedduswydd

Mae Sir Ddinbych Ffyniannus yn brosiect a gyllidir gan Lywodraeth y Deyrnas Unedig trwy Gronfa Ffyniant Gyffredin y Deyrnas Unedig. Mae'n ofynnol i Cadwyn Clwyd roi cyhoedduswydd i'r cymorth a dderbyniwyd gan y Gronfa Ffyniant Gyffredin wrth gyfathrebu am y prosiect gyda buddiolwyr a/neu'r cyhoedd. Byddwn yn defnyddio logo Llywodraeth y DU isod, a logos Ffyniant Bro, Cyngor Sir Ddinbych a Cadwyn Clwyd hefyd.



Funded by  
UK Government



Mae'n bwysig bod y logos wedi'u lleoli yn y drefn gywir. Eu lleoliadau yw: logo Llywodraeth y DU ar y brig ar y chwith; logo Cadwyn Clwyd ar y brig ar y dde; logo Cyngor Sir Ddinbych ar y gwaelod ar y chwith a logo Ffyniant Bro ar y gwaelod ar y dde. Cewch ragor o arweiniad gan y Swyddog Prosiect Grantiau Busnes.

Fel rhan o'r gofynion rhoi cyhoedduswydd i'r cymorth gan y Gronfa Ffyniant Gyffredin gan Cadwyn Clwyd, cynghorir y rhai sy'n derbyn grant y bydd manylion am y cytundeb grant yn cael eu gwneud yn gyhoeddus. Yn ychwanegol, bydd yn ofynnol i'r rhai sy'n derbyn grant:

- Gael eu cynnwys mewn datganiadau i'r wasg gan Cadwyn Clwyd i hyrwyddo'r gronfa a hybu straeon newyddion da am y gronfa, ynghyd â'r cymorth a dderbyniwyd.
- Gael eu cynnwys mewn astudiaethau achos ar-lein gan Cadwyn Clwyd i hybu a chyfathrebu'r cymorth a dderbyniwyd.
- Cymryd rhan yn ymgyrchoedd cyfathrebu cyfryngau cymdeithasol Cadwyn Clwyd i hybu a chyfathrebu'r cymorth a dderbyniwyd.

Anogir y rhai sy'n derbyn grant i roi cyhoedduswydd i'r cymorth a dderbyniwyd trwy eu cyfryngau cyfathrebu eu hunain. Dylai derbynyddion grant ddilyn y canllawiau isod dan amgylchiadau o'r fath:

- Cynnwys logos Llywodraeth y DU Cymru, Ffyniant Bro, Cyngor Sir Ddinbych a Cadwyn Clwyd.
- Cynnwys y testun isod mewn cyfathrebiadau:







Funded by  
UK Government



- *“Mae [enw'r prosiect] wedi derbyn £[SWM A DDERBYNIWYD] gan Lywodraeth y Deyrnas Unedig drwy Gronfa Ffyniant Gyffredin y DU.”*
- Wrth ddisgrifio neu hyrwyddo'r grant ar y cyfryngau cymdeithasol dylid defnyddio'r hashnod #UKSPF. Gallai Llywodraeth y DU aildrydar hyn.
- Tagio'r cyfrifon cyfryngau cymdeithasol a ganlyn fel y gall Cadwyn Clwyd a'r Awdurdod Arweiniol ymateb a / neu rannu ac aildrydar y cynnwys:

Sefydliad	Llwyfan	Enw
Cadwyn Clwyd	Facebook	@CadwynClwyd @CadClwyd
	Trydar	@CadwynClwyd
Cyngor Sir Ddinbych	Facebook	@Cyngorsirddinbych @DenbighshireCountyCouncil
	Trydar	@CyngorSDd @DenbighshireCC
	Instagram	@cyngorsirddinbych @denbighshirecc



### Atodiad 3 Costau anghymwys

Ni chaiff y rhai sy'n derbyn grant hawlio costau anghymwys a nodir yn y rhestr hon, nad yw'n holl-gynhwysol, dan unrhyw amgylchiadau:

- Eitemau na chafodd eu cymeradwyo gan y panel sgorio
- Prynu eitemau gydag arian parod
- Costau cynnal, yn cynnwys ond heb eu cyfyngu i daliadau rhent, yswiriant, cyfleustodau ac ati
- Stoc neu ddeunyddiau crai
- Eitemau tafladwy, yn cynnwys ond heb eu cyfyngu i nappcynnau, cwpanau coffi tafladwy, cling ffilm ac ati
- Talu am lobïo, sy'n golygu defnyddio cronfeydd grant i gyllido lobïo (trwy gwmni allanol neu staff mewnol) er mwyn cyflawni gweithgareddau i ddylanwadu ar neu geisio dylanwadu ar y Senedd, y Llywodraeth neu weithgarwch gwleidyddol, neu geisio dylanwadu ar weithredu deddfwriaethol neu reoleiddiol
- Defnyddio cyllid grant i alluogi un rhan o'r llywodraeth i herio rhan arall ar bynciau nad ydynt yn gysylltiedig â phwrpas cytunedig y grant
- Defnyddio cyllid grant i ddeisebu am ragor o gyllid
- Treuliau, er enghraifft, treuliau diddanu, wedi'u hanelu'n benodol at ddylanwadu er mwyn newid polisi'r llywodraeth
- Treth ar Werth (TAW) y gellir ei hawlio'n ôl gan Gyllid a Thollau Ei Fawrhydi; mae TAW na ellir ei adfer gan Gyllid a Thollau Ei Fawrhydi yn gost cymwys dan y Gronfa Ffyniant Gyffredin y Deyrnas Unedig
- Taliadau am weithgareddau plaid wleidyddol neu natur grefyddol yn unig
- Cyfraniadau mewn da
- Taliadau llog neu daliadau tâl gwasanaeth cytundebau les cyllid
- Anrhegion neu daliadau am roddion neu gyfraniadau
- Dirwyon statudol, dirwyon neu gosbau troseddol, iawndal neu unrhyw gostau cyfreithiol cysylltiedig
- Costau gwaith neu weithgareddau y dylid eu cyflawni fel dyletswydd statudol, neu gostau sydd wedi'u cyllido'n llawn gan ffynonellau eraill
- Dyledion drwg i bartïon perthynol
- Taliadau am ddiswyddo annheg neu iawndal arall
- Costau dibrisiant neu amorteiddio neu amhariad asedau sy'n eiddo i dderbynydd y grant
- Digwyddiadau annisgwyl ac atebolrwydd am ddigwyddiadau annisgwyl
- Difidendau
- Costau'n deillio o ohirio taliadau i gredydwyr
- Costau'n gysylltiedig â dirwyn cwmni i ben
- Costau ailstrwythuro cwmni i adfer y cwmni i sefyllfa hyfyw



Funded by  
UK Government



- Costau cyfreithiol yng nghyswllt cyfreitha
- Costau a ddaeth i ran unigolion wrth sefydlu a chyfrannu i gynlluniau pensiwn preifat
- Taliadau sy'n torri neu sy'n groes i'r cytundeb cyllido neu ddeddfwriaeth y Deyrnas Unedig
- Unrhyw ymrwymadau gwariant roedd y fenter wedi ymrwymo iddynt cyn dyddiad dyfarnu'r cyllid (ni fyddwn yn talu costau ôl-weithredol)
- Unrhyw wariant ar ôl dyddiad diwedd y prosiect/cyfnod y grant
- Unrhyw wariant y darparwyd cyllid dyblyg iddo gan drydydd parti, ar gyfer yr un pwrpas â'r cais am gyllid Sir Ddinbych Ffyniannus, ond na ddatgelwyd i Cadwyn Clwyd.

Ni ellir dyfarnu grantiau sy'n cael effaith berthnasol ar fasnachu rhyngwladol a buddsoddi mewn gwlad arall. Yn ychwanegol, ni all grantiau effeithio ar fasnachu nwyddau a thrydan cyfanwerthu rhwng Gogledd Iwerddon a'r Undeb Ewropeaidd a rhaid i'r fenter sicrhau nad yw'r grant yn cael ei ddefnyddio mewn modd sy'n effeithio ar unrhyw fasnach o'r fath.

Nid yw busnesau a chostau amaethyddiaeth, pysgodfeydd a choedwigaeth yn gymwys. Nid yw prosesu cynhyrchion amaethyddol i gynhyrchu cynhyrchion amaethyddol eraill yn gymwys. Nid yw busnesau a chostau cludo llwythi ar y ffyrdd neu trwy'r awyr yn gymwys ychwaith. Nid yw marchnata busnesau amaethyddiaeth, pysgodfeydd, coedwigaeth a chludiant cludo llwythi ar y ffyrdd neu trwy'r awyr yn gymwys. Hefyd nid yw gweithgareddau'n gysylltiedig ag allforio a chymorth sy'n dibynnu ar ddefnyddio nwyddau domestig yn hytrach na nwyddau wedi'u mewnforio yn gymwys.

#### Atodiad 4 Caffael

Bydd yn ofynnol i unrhyw brosiect sy'n derbyn cyllid Cronfa Ffyniant Gyffredin gadw at y gofynion caffael fel y nodir yn yng nghanllawiau Cronfa Ffyniant Gyffredin y Deyrnas Unedig:

[UK Shared Prosperity Fund: procurement \(8\) - GOV.UK \(www.gov.uk\)](https://www.gov.uk/guidance/procurement-8)